

Al nòst Sère

(1974)

*Coi s'ciai dala cassina a pe pèr tèra
Andaem al Sère pèr i senter,
sentiem pèr la stradèle i carr da gèra,
ciucà le fröste e le 'us dai careter.*

*'N da l'aqua ciara, 'ntant che la passa,
cüntaem i pès che dentre i sa muia;
sö le nòstre barchette che le ndáa,
metiem i fior, catat an sö la ria.*

*A fa merenda sa fermáem al bosch
Sö per i dòs sa la gudiem an mund;
a scundes 'n tra le piante an mèz al fosch,
a strüse pè i prat da sema al fund.*

.....

*Ma dòpo gh'è 'ignit zö i stabiliment
che 'n po pèr de i l'à fat deentà 'na fogna;
con töt al rüt che cassa zo la zent,
ades al Sère l'è la nòstra argogna.*

*L'aqua l'è turbia, sa èt pö gna 'n pès,
le carogne, müciàde col fèr rot,
i'è ferme sö muntagna da schifiès
e 'n da la s'ciöma noda i scatulòt.*

*Nüssü ga bada, töt i lassa cor,
se i na parla, i sta lé co' le ma in ma;
al nòst bèl Sère, fioi, l'è adré che 'l mor,
ma gh'èm prope da vèdel a crepà?*

Fausta Donati de Conti

(1909-2001)

Sono passati trentaquattro anni dalla pubblicazione di questa poesia e la denuncia realistica di degrado, seppure in forma lirica, non sembra che abbia avuto grande seguito. Il nostro Fiume continua a pagare in modo pesante le conseguenze negative del progresso e ai Cremaschi più anziani non resta che la nostalgia di paesaggi verde/azzurri, di acqua limpida, di pesci guizzanti, di quei piccoli svaghi che il Serio concedeva loro.

Tema Monografico

Crema: tematiche ambientali

pagina bianca